

榴經堂類藁

稽經堂類藁卷第十二

晉江陳慶鏞頌南撰

序 後序 引 題辭

呂西邨類稿序

凡學之患患於不能入尤患於不能出叢籍鱗次手繙繙不輟一輟輒遺卽偶有一二得心而於古人回穴奧窔終莫能晰鉅釘耳食如是者不能入又或索昔賢往事鈎稽條弗謂某也醕某也肆某邳霍某甌扁及執筆為之約博而支絢斷而岐質之昔賢往事齟齬不相合如是者不能出吾友西邨者學政古讀書自束髮識字寢饋凡四五十

年其勤於始也能入其眇於終也能出出入之際殫以精心果力而又識足以達時事之宜明足以破千古之部論足以剪繁蕪之失辨足以息羣喙之鳴然後馳驟縱橫必求於是而後止故治經貴精也拘牽於文誼則鑿曰其於訓故則繆尋屬窮委礪礪勃窣而又詭之以周秦古書斯得之治史貴廣也讀未數行輒評隲失之妄讀一史未及他史特下斷失之疎善博覽者正為先稗次之注又次之叢說為下引證旁達陸次屬辭斯得之西邨治經先以聲音訓詁其於一辭一字古注有異同者必明辨而縷分之崖略已見於筆記中槩行而讀史則博綜上下判黑白別

是非故其操筆纒纒數千言其簡處則又一語不苟下余
觀其論澠池論與夷及擬昌黎伯夷頌答李珣衛中行呂
鑒山人諸作識見高卓即起唐宋諸賢亦莫不頓至所撰
碑誌及傳記動與古會出入經史而不自知豈非韓公所
謂氣盛則言之長短與聲之高下皆宜歟尤善金石凡商
周吉金下暨秦漢北魏石刻拓本靡不搜羅襲什珍如拱
壁每有奇字稽謬不遺餘力合於祭酒六書之旨尤精古
籀篆隸兀然危坐墨一升楮一捆隨繕隨棄頗不自愛惜
而門外求書者屢已滿至於議論時務談吐悉中民隱利
弊皆達加以受性方直異說詭說必辨翦殘儒先傳會經

傳必辨古今人物賢哲佞邪必辨年邁六十而聰強縝密
不憊其著述未可涯進而上之廣邃淵微當陸續以出也
彭中山無近名齋文鈔序

日寓京師修稷江亭得識今中丞詠我水部訂文字交比
來督閩學以季仲山無近名齋藁見祇屬弁言余讀之議
論縱橫其言藹如見其文知其人之學見其學知其人之
行讀敘譜狀叔壽兄諸文得其所以立愛之道焉讀贈言
勸友慎交諸文得其所以交遊之道焉讀論經論史論子
諸文得其所以為學之道焉讀議兵議律議法議鈔弊論
海道諸文得其所以行政之道焉夫士先器識而後文藝

非其學之大不能覓乎道之蘊也非其識之高不能達乎政之本有其學有其識宜出而膺司牧之職慰蒼生之望矣而往往寄傲山林或賦詩以自適或託文以見志而後之君子卒服其人而以其言可莊可誦可坊可表可灋可採而不可使為朽則託之於言與施之於事其被更遠仲山於學無所不通治經史外星經地輿韜鈴遁甲醫卜風角百家衆技者流游乎其中夢獵條母旁及二氏參同抱朴釋典內外法藏二林一鎧靡不洞達要渺久之而棄其所學學為有用之文則又本之易以導其源本之書以充其識本之詩以博其趣本之禮以究其精微本之春秋以考其

得失本之馬班范陳以助其波瀾出入本之管韓莊列以極其華尊奧突於是著為成書成一家言其或幸而見採於時見納於世不崇朝而徧雨於天下即不幸而不見採於時不見納於世則藏之名山為可傳也

李梅生杭小茅香館詩鈔序

丙午秋余南旋泊舟嘉興已揚帆矣適李太史梅生奉其祖母夫人由浙歸養楚南舟達里許梅生尾而望之促櫂追訪既見道窾曲余詢近狀知所為詩已著述等身年少不廉心甚奇之越二年余主講金石書院得其尊丈石梧宮保郵函驚悉梅生病咯血卒為之於邑案日尋宮保陳

情乞養歸庚戌廣西奸民不靖宮保卽家持節往勦未幾亦以疾卒於軍

天子悼之天下人相與悼之近宮保鄉人孫編修芝房以梅生詩稿屬弁言余觀王君子壽序畧言之詳矣獨哀梅生雄於才而齏於數宮保又不克享大年以盡展經略天何其吝才之生而不盡洩耶抑存之以俟成名後世耶梅生年五歲能詩弱冠登高第入詞林時與京師鉅公相倡和名噪一時每見山川巖澗鳥獸蟲魚草木花實以及日月星辰雷霆霹靂莫不發諸金石抒諸詠歌時復留心經濟不汲汲於為仕凡軍實之所儲度支之所出邊備之所

防河渠漕輓之所疏濬委輸講畫條貫務得要略而後止
使以其年得竟其用將韋平事業無不可為而第於詩章
見之豈楚國多賢其如賈長沙復出以文章鳴世而弗永
其年歟豈君家間氣其如李太白復生以詩史流芳而弗
延其算歟夫難得者才也幸逢者遇也既生之於華胄之
家而又副之以卓犖之質宜培之護之以長養生成之而
乃未實而落徒令人讀其文考其志相與歎歎太息如怨
如慕如泣如訴致嘆於天地之生才猶有所靳余與宮保
為同譜且重以文字之交今聞宮保之訃而讀梅生之詩
益悼梅生之不及侍也悲夫是為序

蘇鼇石亦佳室詩文鈔序

道光癸未余計偕入都始識鼇石制軍於邸舍時觀政秋
曹日上讞鞫必至夜分乃得歸歸而詢問閩中疾苦時政
得失常至扁三商不能寐而述所上平反寧失有罪不以
苛刻為能尋而膺察典出守松江觀察陝右壬辰余通籍
前月適介珪入

覲由山東陳臬調四川其地當漢夷雜處刑名繁劇甲天
下旆指而獄訟以清於是進藩宣以兵部侍郎假節度循
例總督統由巡撫薦升而越次超擢者不數數觀

帝心簡在中外咸以為指日即拜真除未數月猺夷騷動

我邊馬邊雷波越雋四廳民不安息籲請舉兵撻伐并陳
籌餉事宜

上以窮兵黷武非善策降補四川按察遂入副大理未上
年老去官家居適海氛告警復起為四品京堂辦理江蘇
糧臺事竣引疾歸每暇則登山臨水與二三知己聯吟賦
志故其詩成於退任者尤多然猶汲汲於公事夙夜未嘗
忘如平夷一策京中傳鈔已為之紙貴至集中時論兩書
及夷患善後說練兵造船說擬善後自強議數大篇尤有
關於禦寇安邊海內固未之見而足為當世採擇者正復
不少余丙午回籍常相過從談及夷務則言盛京之奉天

直隸之天津江蘇之崇明浙之定海閩之廈門福州粵之
虎門山東之登州各備戰船十隻或二十隻堵截要害以
俟其來者而應之所向披靡京師辦賑議運川米以濟余
嘗採其言入

告得

旨下議嗣以督臣採買維艱遂寢倘復出而用之其措施
必更有可觀者乃未幾而歸道山先輩云亡傷如之何今
文孫瑞書抱其遺書來問序是不揣固陋綴數語以弁於
篇

吳荷屋歷代名人年譜叙

譜牒之學昉自大戴禮帝繫篇其後有世本書缺不傳然
時時見於他說太史公讀牒記黃帝以來皆有年數采為
五帝本紀又以成三代年表十二諸侯年表秦楚之際月
表漢興以來諸侯王子侯者將相年表桓君山謂其旁行
斜上蓋效周譜然則古譜牒雖不傳得史記猶存崖略宗
是學者前代表氏有彙編之輯近則四明萬氏有甲子會
考但萬書專取甲子意不在紀年表氏徵引博矣然於正
史頗多滲漏稗官說時復闕入讀者猶有憾焉夫紀傳所
以載一人之事實詞核而義詳書志所以表一朝之典章
文賅而旨博獨譜牒一門則條舉而件繫之義取簡明不

得務為縱橫馳騁之說而以議論雜乎其間合上下千百
年臚舉其國之所以廢興存亡與夫建都之遷徙分爵之
異同并其人之若事若官若爵若謚俾一舉目而得其衣
冠族姓之詳人物臧否之故則非讀史之深而用力與心
之專且壹必不能知之而且條而貫之者也南海吳荷屋
中丞酷嗜經史老不廢學嘗輯筠清館金志一書梓行復
手著歷代名人年譜藏於家其書起漢高元年迄 國朝
道光二十三年區分類聚剖為十卷復附存疑及生卒年
月無攷者為一卷蓋本史公年表縱橫之例為書其紀元
以大一統為正而割據僭號附焉洵得涑水紫陽之通義

春秋月以繫時時以繫事因撥舉帝紀之要薈萃史家列傳載記之言芟繁就簡約為時事叙而不漏末乃系名人生卒年月及其謚謚爵號前後鱗次若網在綱又以補夾漈鄱陽所未備斯誠讀史之津梁而譜牒之要訣矣夫全史以紀成敗考見得失二十四家浩如淵海儒者讀其書不能博究始末卽有文人學士亦取瓌奇偉麗之文受而讀之而能徹始貫終成一家言者蓋未之見又况譜牒之學自周以來已孤行而莫之或續者乎是編阮儀徵夫子嘗為之序旣而中丞歸道山其稿散佚尋不復得咸豐紀元二年其誥嗣新畬工部自粵來京以余與中丞為文字

交抱其書屬續序余喜其書之有裨於世而足與史編相表裏也於是乎書

福州郭氏族譜序

列子謂燕人而長於楚者老而歸於燕過齊魯之城社或
始以為燕也愀然變容過冢墓以為先人之隴也泣然流
涕及真見燕之城社廬墓悲心反滅今世之大家勳閥往
往援甄族之貴者顯者聯為譜系傳會成書相與叙及輒
曰我伯叔兄弟也而於其真伯叔兄弟漠然概不相關是
何異燕人之見紹者據以為真而為有識者所竊笑哉福
州郭氏為唐汾陽忠武王孫代國公曜之後曜生嵩咸通

中隨閩部節度使王審知從弟銀青王想奉汾陽王明禪
避寇家長樂數傳至恂析居興化恂弟絢官福唐司訓僑
焉又數傳至耀編籍縣之澤朗寨厥後昌大語所云南澤
崎北澤朗五百年後衣冠琅琅是也耀子京元天麻戊辰
省元京孫顯以孝友忠義載郡縣志自遷祖以下于是傳
十七世矣族姓分天地人三支入

本朝代有隱德然皆未與通籍及我年伯某封君由孝廉
官學博子柏蔭進士起家觀察甘肅柏心柏蔚柏蒼亦聯
舉鄉薦衣冠之盛蔚為省望歲丁未余主講僊游金石書
院而觀察亦膺泉州清源之聘六月余旋里觀察為余

言曰家君里門養疴潛心譜事增訂百數十年子姓昭穆
舊者釐之新者裏之歷有年所於茲矣帙成將告族人願
乞數言為弁按譜分十卷一

皇恩二代遷三系圖四宗傳五文傳六墳祠七家矩八文
翰九先芬十譜餘仿史傳體裁成一家言令閱者切水源
木本之恩焉識敬宗收族之道焉所謂孝弟之心油然而
生者其在是乎其在是乎昔王荊公作相欲刪汰宗人恩
禮謂祖宗親盡亦祧何況賢輩是欲蔑其親也蘇老泉為
族譜只叙祖父已下所由生其餘以次從略二公居心雖
不同然於宗盟之系務專所親是可為後世言宗者法今

譜第叙其親之所自出而汾陽王以上不之及焉第詳其
本支而於郭氏之貴者顯者不之及焉則其所見城社皆
真城社也其所見廬墓皆真廬墓也徵其可信而專及所
親上治祖禰專於孝也旁治兄弟專於愛也下治子孫專
於慈也合諸三者而宗法以治後之覽者其亦興起其親
親之誼也夫是為序

丙申四月四日江亭展禊復序

禊除古典也說文示部禊除惡祭也玉篇禊下引史記云
漢武帝禊灊上徐廣曰三月上巳臨水禊除謂之禊是古
禊皆以三月行之然事迄湮沒無傳晉永和九年王右軍

集四十二人會蘭亭備最久康熙己未

詔開博學鴻詞科海內奇才雲集京師試畢揭曉益都相
國馮文毅公與知名士三十二人修禊崇文門外之萬柳
堂賓主觴咏稱盛事當時榜發在三月二十而修禊又在
其後並非上巳蓋不以其時地之美唯其人也今仿其意
展為四月四日禊於江亭竊亦以希古所云焉夫良時勝
地往往而有獨人才之聚為難耳苟有以當於古安必其
時與其地耶又安在非其時與非其地耶所願與諸君子
過於規善於勸以步趨前哲雖或異日之離合不可知要
其衆美畢臻亦千載一時也後有來者可以觀矣

時為
主

歸安葉紹本江陳慶鏞黃頌南甘泉江齊昆明黃宗為客著徐
寶善廉峰晉江陳慶鏞黃頌南甘泉江齊昆明黃宗為客著徐
十二人永豐郭儀霄羽可寶應劉寶樹鶴汀漢陽葉志就
東卿順德簡鈞培夢岩儀徽汪全泰竹海陝西康張鵬
飛補山陽喬德與四農寶應朱七瑞銓甫吳縣曹楫堅
良甫東卿艾暢至堂鎮平黃劍香鐵上元溫肇江翰初上
朱元梅曾亮伯言順德馬福安止陽王欽霖慈雨寶應劉寶
楠楚始將漢軍徐榮鈇孫涇縣包孟開慎言天門劉富孝長
湖固始將漢軍徐榮鈇孫涇縣包孟開慎言天門劉富孝長
明載禾叔建寔宿張際亮亨甫江牧庵西新城陳瀛桐孫宜黃符
孚忠禾叔建寔宿張際亮亨甫江牧庵西新城陳瀛桐孫宜黃符
子給雪熊廬江江開龍門大興姚燮梅伯山陽魯一豐吳嘉賓
與文殊基樹臨侯官陳立禧考源金
與文殊基樹臨侯官陳立禧考源金

泉郡明倫堂題名輯略後序

泉隸牛斗之墟文昌耀寶其地負山襟海人文萃焉

歐陽華振文教代有傳者衆明而文莊公羽翼經傳蔚為
海內宗忠孝節廉之士亦時時迭出乎其間然志乘書缺
有間徵諸國史十一二焉徵諸省志十二三焉卽近而
郡乘邑乘書法宜從詳矣而其軼復見於他說是以鄉之
人舉焉而不能知知焉而不能悉鄉前輩蘇鼐石京卿倡
為題名之舉爰搜輯遺編傳載或從而訪諸遺老或從而
質諸其子孫別其官階立以限制因而倣書名書爵之例
額於黌舍之明倫堂代之序遠則鉤楹內近則鉤楹外俾
來學者舉目咸覩循牆偃僂饘粥於是旣復慮風雨剝蝕
久而漫漶乃顯緝成帙珣璠梨棗其理學儒林忠臣孝子

為一書其魏第勲閔崇宦清班為一書其曠典異數聯芬
濟美為一書誠一郡之掌故士林之盛典也後之學者振
華擷秀薈而續之亦將敬式於是編

故城賈氏族譜引

宗譜古法也周禮瞽矇諷誦詩世奠繫注故書奠或為帝
杜子春云帝讀為定其字為奠書或為奠世奠繫謂帝繫
大戴禮帝繫篇即後世宗譜權輿諸侯以下稱世本國語
曰教之世而為之昭明德使知有德者長無德者短此譜
意也蓋古者小史序世次公卿大夫士有家史子生三月
父名之史書其生年月日而藏之藏之謂以簡策書子名

而藏之家府宰徧告諸男名閭史書為二一藏閭府一獻
州史藏之用府庶人工商司民賞其數自生齒以上書于
版歲登下其死生獻而登之于天府大夫以上生有爵死
有謚其有功者銘書于王之太常司勳掌之而男女之判
媒氏擇其世墓地之圖墓大夫辨其域是故百姓昭明而
氏族有攷乃周之衰宗法不行士民門第相高而族姓往
往迭相假冒于是司馬遷楊雄之徒作書自述其志德晉
魏六朝設圖譜局用博古通今之儒知撰譜事凡族姓之
有家狀者上之官為考定詳實藏在秘閣副在左戶官之
選舉必由于簿狀家之婚姻必由于譜繫姓譜作而私譜

亦遂行宋歐陽修蘇洵譜例稱善焉然猶小宗之法也而
非大宗賈氏出自周唐叔虞少子公明同州賈城卽其封
地或曰河東臨汾有賈鄉是也晉之公族狐偃之子射姑
食邑于賈謂之賈季秘笈新書有賈伯元和姓纂載賈氏
分派八支其一長樂漢長沙王太傅賈誼十代孫龔居武
威孫詡爲魏太尉其一宛句誼九代孫秀玉後至賈真爲
晉兖州刺史其一洛陽亦誼後梁中軍長史賈宏生勰爲
北齊青州刺史其一河東晉有散騎常侍賈弼北齊鉅鹿
太守賈延慶其支族也其一廣平賈詡之後元彥爲唐太
學博士其一樂陵亦誼後唐有沁水丞賈元炎其一河內

野王中書舍人登邲郡庫部郎中賈彥璋派其一濮陽工部員外賈彥璿派故城之賈未審何支據譜為自無錫遷萊陽明永樂二年占今籍居杏基村始遷祖曰友字志同其祖之所自出曰輦字潛思潛思以上無考系即以始遷祖為斷傳曰別子為祖繼別為宗繼禰者為小宗有百世不遷之宗有五世則遷之宗百世不遷者別子之後也宗其繼別子之所自出者百世不遷者也宗其繼高祖者五世則遷者也鄭注別子為公子若始來在此國者後世以為祖也繼別別子之世適也族人尊之謂之大宗是宗子也遷猶變易也繼別子別子之世適也繼高祖者亦小宗

也先言繼禰者據別子子弟之子也以高祖與禰皆有繼者則曾祖亦有也小宗四與大宗凡五然則惟大宗不遷惟繼別子之所自出者為大宗其餘親盡則以其主遷而藏之于別子之廟也繼別之宗得立別子之廟為大祖則遷而始來者其子孫亦得以別子之義祖之故曰別子謂公子者若始來此國者後世以為祖也賈氏自友以上在萊陽既不可攷則與其所自出之大宗不同處若厘以小宗宗之則遷主無藏所自當以始來之義如繼別子之所自出祖之故即以始遷故城者為祖也友生德德生傑傑生良卿良相自友而下父子也良卿良相兄弟也蘇氏曰

大宗之法冠以別子兄弟有窮者也父子無窮者也然則
友為大祖德即其別子之世適者尊之為大宗良卿良相
分二支禮于法為小宗五世則遷二支之行迄今傳世皆
十餘代其間科名仕宦駢見疊出而其博學忠義之士與
夫節烈壹懿之行亦累冊盈篇或從諸府縣志所紀或采
諸故老遺籍裒輯成書首曰宗表所以叙昭穆宗庶絲聯
繩系是即小史之所序也次曰宗系所以書生年月日名
字婚娶是即閭府之所藏也次曰家乘所以著世德家訓
令後傳信是即司勳之所掌也次曰墓圖所以辨兆域識
封樹示子孫知所守是即墓大夫之所紀也記曰古之君

子論謨其先祖之美而明著之後世者也其先祖無美而稱之是誣也有善而弗知不明也知而弗傳不仁也是譜之作知而能傳由此而敬宗而收族親親之道著而辨章之治亦以敷矣先是舊譜修于嘉慶辛未至是三十有五年為道光乙巳其十四世孫臻重修之臻字運生余壬辰同年友也余將出都運生携書問言余曰賈之先有希鑒為齊外兵郎撰永明氏族書上之于國今運生撰宗譜著之于家可謂克紹前徽矣爰書之以弁諸首

延平鄧氏族譜引

宗譜莫善於歐陽氏亦莫慎於歐陽氏其言曰世久子孫

多則官爵功行載於譜者不勝其繁宜以遠近親疎為別
凡遠者疎者略之近者親者詳之此著譜之大例也而王
介甫謂親盡則從毀毋庸叙及遠祖無乃挾貴而驕不知
虞夏商周禘郊祖宗遠或至數十世以上未嘗以服為斷
則執是以論宗法推而上之報本至於不可為數推而下
之廣骨肉之恩亦至於無窮而豈以世次限哉鄧曼姓也
為殷侯國春秋時鄧侯吾離始見經其後以國為氏漢有
鄧農居南陽新野光武卽位封房子侯東觀記曰晨曾祖
父隆揚州刺史祖父勳交趾刺史父宏豫章都尉至晨而
名益顯其長子汎亦為吳房侯而鄧禹又以謀謨帷幄決

勝千里佐光武定天下封高密侯子四震襲珍鴻皆為侯
珍子康紹封黜至順帝復立為太僕有方正稱名重朝廷
鄧氏於漢號極盛焉厥後見於史者代不絕書至唐以崇
安鎮將改劍州路將軍封靈衛侯曰光布始入閩八傳至
克諧拜宋銀青光祿大夫進大司馬上柱國賜緋章金魚
袋生子八編為金石絲竹匏土革木金一支祖有溯授中
順大夫克諧宗子也二十七傳至大五居三元後路禮別
子為宗別子謂其始遷者故居三元者卽以所遷之祖大
五為宗然閱元明譜牒淪亡復八傳至焜登明萬曆戊子
舉人始倡修譜求其詳弗可得乃於荆東道寓寺中忽得

一書題曰三元後路鄧氏族譜遂携以歸傳諸族人圖其世次適合定為鄧氏譜是非葉公好龍而真龍至神其留以授之者耶歐陽公謂上世多亡不見譜圖之法斷自可見之世至此而不可見者亦見故鄧之譜獨詳於三元後路其自大五以上至有溯中間二十六葉從夏五郭公然代傳愈遠枝葉益茂入○國朝康熙乾隆嘉慶凡三修及今又五十四年矣其翁慮久且散佚爰謀於衆復建是舉俾後之來者皆合族以齒親者弗略疎者不遺其叙次書法如舊譜書成其子兆邵孝廉應禮部試來京學於余請弁言余謂譜之存亡繫乎人有其人則雖歷千載不沒無

其人則聽其或微或絕其不至委於荒煙草莽也幾希可不懼哉爰述而引之以爲敬宗收族者勸

張石州煙雨歸耕圖引

儒有聞過相規見善相示余嘗持此以論交而得其人者不數覲卽或偶有一二知己相與劇切是非講求實事而於其善或相告矣至於糾繩其非而匡正之而面折之則又不數數覲曩在都門得識平定石州初交甚淡旣而晨夕過從往復辨論經史及古今名物象數凡倉文籀字斛紅不羹之屬靡不奇共賞疑共析契益密而交益淡然而一言偶軼必規一行偶錯必規討論昔賢往牒鉤稽文字

聲時或謬於古必規而石州岸異自負尤樂人之指共
過而規之而勇於從人皆謂石州達余獨謂石州樸而真
鎮日潛心著述寢饋漢唐箋疏旁通諸子百家九流尤善
地輿之學條纂魏書地形志衆數十萬言鑿鑿如瞭指掌
桑經鄭注淮雨別風學者患之既經釐訂復徵引羣書參
以古今水道或源或委覲縷若肉貫弗絲在櫛成一家書
亦衆數十萬言凡有所誤咸極臻要眇由醕而肆而精而
勃窣丙午夏余將出都纏絲繾綣不忍舍臨岐復贈古風
五章其言切中鍼砭規勸兼至繼婁惠書敦勉益加余固
喜石州之能以遇相規嘉相示久而不渝遠而不間而為

直為諒為多聞之友也戊申於友人莊衛生太守得其所
來函稔京居迢遼萬狀離析傷心為之於邑弗樂復書來
賦志里門仿朱竹垞續煙雨歸耕圖誤百字令一闕中有
辛苦平生餘底物數卷殘書而已讀之令人悽然歸可矣
先人之敝廬風雨固無恙者乎然從此益邁前修俾數十
年之擘礪苦心萃而成編裒而成人又焉知天之磨礪於
是推挫於是正其將大有寄於是乎獨念往者跬步相隨
幾如蛩之與蛩今乃參商異地晦明懸思索居之感我勞
如何子之視余當亦如余之視子也萍蹤渺渺何時得續
舊盟爰郵數語以供劇談

蔣慕生見說引

吾泉多以易名家前明自蔡文莊公蒙引而外注易者不下數十家而郭鵬海尤為海內宗仰

國朝則李文貞公獨總其成近蔣君慕生潛心是經老而益邃著有易學一書其說多祖程朱而能發明所未備屢抱書屬弁言余以他事輒阻至是移書來京促益力余惟漢人多講陰陽而宋人則專主理數易旨無窮當合漢宋而通之無門戶之見乃可以言易繫言六爻發揮旁通情也則消息之說不可廢萬物出乎震齊乎巽則納甲之說不可廢言辨是與非則非其中爻不備則互卦之說不可

廢言觀其象玩其占則象數之說亦不可廢然言象言數較不如言理為密慕生皓首窮經於書於詩皆有論著而尤酷嗜易學鑽研奧窔實事求是大都理為主象次之數次之不肯拾人牙後是能於蔡李之外自樹一幟者日與余同校惠邑試卷談論古今人物所見皆崔而每言及親則又於邑款歔繼之潸潸淚下余固知純孝人也而時論多以狂目之余見其恂恂儒雅是卽真能讀書者何狂之有得毋國人皆狂而以不狂者為狂乎爰踐其約為引以達於郵

龍峰戴筆圖題辭

恭爾夫子前主講吾泉清源書院因課私覲題文及郊禘
考慶鏞為夫子所賞拔得受業焉既而授三禮春秋大事
表說文廣雅等書發疑辨難指畫無虛日暇則課讀史漢
旁及文選詞宗詞律提命益切如是者數年旋主席鼇峰
離泉四百里嘗以手教來命稽謬達悵務得古人堂奧慶
鏞益苦其艱而未有以得也甲午夏在都聞夫子已歸道
山涕零久之而思未由盡心喪之禮茲樹滋世兄計偕來
京以鼇峰載筆圖屬題展卷愴然梁木哲人之思所感益
深因憶前事言猶在耳謹附數語以識師承之自焉爾
滄浪漁父圖題辭為蘇州顧湘舟沅

滄浪漁父者吳郡顧君自署也以居近滄浪亭曰滄浪好
遊名山水抗心蘇子美為人曰滄浪漁父余讀屈原漁父
詞聖人不凝滯於物而能與世推移卓哉見乎漁父唯不
濁而能與世同其濁故曰世人皆濁何不溷其泥而揚其
皮漁父唯不醉而能與世同其醉故曰世人皆醉何不鋪
其糟而歎其醺吾將容容裔裔任徜徉乎抑岸然自異抱
孤芳乎將委委蛇蛇隨波靡乎抑介然特立完吾美乎將
浩浩蕩蕩樂只且乎抑索然跼蹐拘於墟乎將洋洋灑灑
適自得乎抑荅然心盡長太息乎將田於渭陽釣莫釣乎
抑隱於富春妙莫妙乎將觀呂梁而以鯢桓為淵乎抑遊

濠濮得而忘筌乎將隨詹何曳獨繭之絲乎抑從任公得
乎會稽持竿東海投大鉤而施鉅緇乎踞吾知其為和也
罟吾知其為張也罩吾知其為抑也帆吾知其為揚也漁
父者非樂漁也君子樂得其志為其有似乎漁也藏有涯
於無涯朝吸露暮餐霞傳世韻笠而以蓼岸為家魚釣之
下卷軸自娛故不汲汲於聞達寄滄浪作為煙波之釣徒
抑吾聞之西陽雜俎有顧非熊言釣魚當釣其旋繞是深
於漁者也漁父殆其流亞而確守宗風歟余未見漁父徒
碌碌心為形役恐漁父見之當亦莞爾而笑鼓枻而去乃
綴岐陽石鼓之文作為漁父歌歌曰帛魚鱗鱗吳人懸亟

岳啟渚淵弓茲呂寺又歌曰于水一方濺濺直罟君子渚之極深呂戶

潘玉泉養閒艸堂圖題辭

吳縣相國者余壬辰座師也四公子皆能學其季曰玉泉澹於世讀書自娛弗獲於遇而天又挫之人都為玉泉惜而玉泉恬然適然坦然泰然適然澹然湛然頤然畢然廓然怡然喜然齊然蕩然淑然咀嚙乎詩書仁慕乎仁義顏其居曰養閒草堂其卽莊周逍遙遊之意歟神卽莊周庖桑養生之意歟吾聞溟之北有魚焉其名曰鯤鯨之大不知其幾千里化而為鵬鵬之背不知其幾二

里也怒而飛其翼若垂天之雲今之所謂養閒者是耶非耶庖丁爲文惠君解牛官知止而神欲行躊躇而滿志焉今之所謂養閒者又是耶非耶夫江湖之叟得閒曠釣魚閒處此以生爲養者也巖穴之士鶉居而鷔食樵採閒情棋奕閒趣此以形爲養者也餐霞吸露採芝乎商山閒步掬醴乎石泉閒飲此又以神爲養者也若夫讀書閒屋支頤閒榻揮麈閒窗擲筆閒几種花閒院蒔艸閒階觀魚閒池鋤菜閒園鶴步閒徑熊禽鳥伸閑庭無江湖而魚無巖穴而隱無露霞而壽茫茫乎不知其有涯耶浩浩乎不知其無涯耶不以有涯隨無涯亦不以無涯淪有涯是之謂

養是之謂之真養夫學人以恬養知達人以知養恬恬與
知養而理和焉閒可養知養恬養生養形養神而知養而
恬養而生養而形養而神養而心亦養性亦養氣亦養孟
子曰我善養吾浩然之氣

籀經堂類藁第十三

晉江陳慶鏞頌南撰

贈序 壽序

送安邱王毋山大令之任鄉寧序

說文自漢以後絕學南唐二徐出知尊其書而引字移易
舛錯良多學者苦之

清興海內崇尚儒學以是名業者不下數十家段氏茂堂
桂氏未谷其於學也尤邃顧段書稱精礪而喜更改正文
桂書稱博辨而引據失限斷二書美則美矣猶未為盡善
安邱王毋山先生潛治是經積數十年于斯先是撰繫傳

校錄及說文釋例其于六書大指逐條疏證取為正例變例諸目保氏之教煥然如揭日月星辰而行誠可謂汝長功臣矣近復纂說文句讀十五卷辨證是非擇焉必精語焉必審于是段桂二家之書讀者多所折衷癸卯歲書成以舉人騰錄選山西鄉寧令將之任撰所自壽六十詩屬余叙余與先生訂交有年矣京邸過從浹旬嘗一再至過於規疑於析竊喜古事問仲舒奇字問子雲二兼得之令出都風雨索居契闊之感於邑何能言惟讀先生之詩知先生之志先生之學成矣學優則仕仕可矣抑更有進于先生者秦漢罷縣天下以令長易古諸侯計今之縣地當

古之侯封百里猶或過之鄉寧古屈地也傳稱蒲與二屈
君之疆其地于漢為臨汾于魏為泰平于隋屬汾州于唐
屬慈州壺口孟門山川稱形勝焉縣令雖小苟留心于濟
物于人必有所濟況以其學被而化之為朱邑治桐鄉盜
賊以戢為龔遂治渤海農業以脩為文翁治蜀郡學校以
舉始而行之一鄉一邑漸而及之一郡一省又漸而及之
天下之大所積者微而所推者廣子公羊子曰泰山之雲
觸石而起膚寸而合不崇朝而徧雨乎天下者其是之謂
乎昔段桂二先生皆莅縣令而說文有成書政益治今先
生亦猶是焉從此仕優更學異日之所著當必大有進于

是多于是者史稱伏生九十口授尚書申公亦九十教詩于魯而桓榮則以耆年膺三老五更之聘安車蒲輪到于今稱之先生學伏生申公桓榮之學其亦壽伏生申公桓榮之壽而遇伏生申公桓榮之遇者也余學日荒弁陋蠢愚無足為知己贈惟即其所以著書者備詳顛末書于冊以為先生壽且以冀後之重聚者相與課之證之尚亦先生之所許也是為序

送陳蓮史方伯之任江甯序

先和姓纂著吾陳得姓有媯明德之後有達人其派蕃衍出潁川汝南下邳廣陵東海河南六望秦漢而下以經術

文章道誼著者史不絕書

國朝雍正間臨桂文恭公以一代偉人匡時濟世官東閣大學士其經術文章道誼詳載

國史民至于今稱之君子觀其德循其政知後之必有達也越再傳及乾隆朝公之孫曰松山先生以翰林起家涖湖北荆宜施道其經術文章道誼卓然冠一時民之稱之者如其祖君子觀其德循其政又知後之必有達也又越再傳蓮史先生以嘉慶癸酉發解庚辰試禮部第一

廷對魁天下其時都中諸巨公為詩以賀謂自設科以來與是選者及先生十三人而已詞林傳為佳話其經術文

章道誼國人皆稱曰願令名如其祖及其高祖君子又將
觀其德循其政以俟後之必有達也道先壬辰余通籍先
生已歿外任徐而乞病歸養疴久之今歲癸卯報痊來京
以下交先顧余余聆其論誨悉先輩名言心識之弗敢忘
是冬十有二月先生被

命簡甘肅布政使召對踰日調江甯瀕行屬余書以誌風
雨之交若其德政固無俟揄揚惟趨拜下風安敢以弁陋
辭安敢以虛謾進竊科名之設始于唐而三試第一世間

見于唐一人曰張又新又新字孔昭深州陸澤人工部侍郎

教頭京兆解頭時號張三頭性傾邪初黨李逢吉後黨李
訓仕終左司郎中又新善文辭再以諂附敗喪其家聲事

見新舊唐書及推言于宋六人曰孫何何字漢公蔡州汝陽人富

首薦及第人得甲科官至起居舍人傳曰王曾曾字孝先青

判太常禮院知制誥事詳宋史本傳曰王曾曾字孝先青

平中由鄉貢殿試禮部對策第一官右僕射兼門下侍郎

史本曰宋庠庠字公序安州安陸人後徙開封之雍邱天

後改爲官檢校太尉同平章事封莒國公改鄭國公曰馮

以司空致仕贈太尉兼侍中謚元獻事詳宋史本傳曰馮

京皆第一官宣徽院使以太進士少師致仕贈司徒謚文

簡本傳宋曰楊寘寘字審賢廬州合肥人慶曆二年舉進

政殿帝臨軒封喜勳于邑謂輔臣曰楊寘也遂擢第一

曰王巖叟致經術不彥林大初置明經科巖叟初仁宗患詞賦

爲端明殿學士知鄭州徙河陽年五十書院事以救劉摯罷

事詳宋史本傳于金一人曰孟宗獻宗獻字友之開封人初揚伯

大元名供奉翰林事見金史楊伯仁傳及中州集于元一人

曰王宗哲宗哲字元舉不知何所終按元史無傳王宗哲

舟之名見元史四狀元詩其言口元宗儀如耕錄曰平江一驛

李齊子威元舉者王宗哲也兼善者治哈布哈也徐壽輝哈

死于方無愧珍科名則王宗哲之誠忠義傳云于明一人曰商

輅輅字宏載瀋安人鄉試第一正統十年會試殿試皆第

部尚書贈太傅諡文毅事詳明史本傳或曰明二人一為

貴池黃觀第史不書其軼見于他說則亦以備其數

清興稽古同天優賢揚歷於斯得二人一為錢公榮振威字

蘇州長洲人乾隆四十四年鄉試第一四十六年會試殿
試皆第一除翰林院修撰官至內閣學士兼禮部侍郎銜

其一卽先生通先後十三人之數人者其科名之盛士遇
之榮皆千載一時也然觀自唐迄明上下千餘年而區區
僅得是數意其人必有英奇磊落大顯于世世亦傳之不
衰而顧其官或顯或不顯卽顯矣而其人或傳或不傳今
所藉稱人口者祇王文正宋元獻商文毅諸公而文正尤
名滿天下其餘則等諸自鄧以下豈科名之有異同與抑
世運之有隆替與而所遇若彼所稱若此文正諸公其幸
而得高科躋上位其經術文章道誼兼是以傳卽其不幸
而不得高科躋上位吾知其經術文章道誼亦卒自傳也

則傳不傳又不在科名位祿而在乎其人之經術文章道
誼也今先生受

特達之知藩屏江甯其地卽文恭公旬遊故土魯詩說召
伯巡行鄉邑有棠樹決政事其下人思之不敢伐甘棠猶
在焉孔叢子曰吾于甘棠見宗廟之所以敬也先生重履
是邦詢其父老指其嘉樹念勿翦而知當年之所以相念
勿伐而知當年之所以虔入廟思敬高曾之法守巍然其
存其必相與斯民護之培之又從而灌溉之異日寧府之
功樹于城南民之歌先生以德者猶今日民之歌文恭公
以德也且承宣之職于周為方伯任莫重焉號季經綏而

于洛膚功召虎旬宣而淮瀆告靖從此海波不揚江之南
民乃甦為

聖主頌賢臣于以建不朽之事功極人臣之位地卽上以
踵王文正宋元獻商文毅諸公之盛而祖德宗功縣之勿
替是則余之所私祝而亦國人之所稱願也夫

壽宮保吳縣潘相國七十

皇帝御極之十有八載欽翼皇象光宅天下橫波四表五
韙來備凡厥近光好德之倫罔不亮章圖書數錫提福而
吳縣相國潘老夫子以

三朝元老備左輔右弼前疑後丞之任上襄

聰明文憲晏晏之治誠

昇平人瑞也竊惟今文尚書君奭篇曰天壽平格鄭康成
注以為專言臣事平格謂太平功至於天也其時周公稱
伊尹格于皇天在太甲時則有若保衡言伊尹至太甲時
為保衡保安也衡平也天下所取安取平也在太戊時則
有若伊陟臣扈格于上帝商書有臣扈篇鄭氏列在湯誓
前則為湯臣矣至大戊時為世已五而臣扈猶逮事之是
臣扈當百有數十歲也召公與周公同時至康王之誥尚
稱召太保奭亦當出入百數十歲故召公百八十歲其軼
時見于他說然惟為平格之臣所以稱天壽也吾夫子在

高宗時廷試第一詢事考言為天下得人慶在

仁宗時游升卿貳典試順天浙江督學浙江江西雲南以
衆賢明為砥礪為輔翼夫子以雋雙在官致天下

太平之治早負格天之碩望留儲為

今上用也夫天欲昌斟元開繹之化則必篤生駢福曼齡
之臣迎延符炳稽命圖長霈蒼生之霖雨樹邦國之屏藩
豐功丕著靈貺來轅自顧伊傳周召尚矣由商周溯唐虞
粵若稽古咎繇與堯舜同良而皋益父子同贊帝廷則其
大年之享當亦出入於勳華之壽於以知元氣淳龐神明
鞏固得乾坤鍾毓之厚者合數千百年間世而一見也乃

今於吾夫子見之矣夫子忠孝並隆先是陳情歸養十年
抒天保采薇之忱循南陔華黍之義不匱之思足錫爾類
逮讀禮畢奉 命詣 闕

帝心簡在優賢揚歷起以其官旋由冢宰進東閣大學士
未預叅知而宅以百揆遇合之慶極人臣所未有壬辰丙
申總春官試旁求俊乂得古大臣以人事君之度蓋以先
意承志之心為君沃納誨之心固有潛孚

一德俾天下共享平格者觀古文尚書述周公之訓君陳
以斯謀斯猷入告出順著為臣之則而即推本于令德孝
恭謂孝乎惟孝得為政之施其即我夫子之謂乎茲值

廿有一日為夫子七十懸弧之旦諸及門皆紀詩以壽慶
鏞案世紀言伊摯七十相湯說苑載太公望七十輔周相
業皆由此日懋今夫子方當其年則所以揚
合和辯章之盛者正未有艾爰不揣弁陋恭依鄭注平格
之訓以為稱觴之助焉謹序

壽郭介平先生暨配林宜人雙度

歲戌戌同譜郭君遠堂侍御以其尊丈介平先生六十晉
一暨其母林太宜人六十雙壽問叙於余言曰家君少寒
累志窮經而母代理家政茹苦異常同譜中以梓里而知
能詳者莫子若丐弁言為壽余惟今文尚書鴻範篇曰五

是來備後漢書范雲傳作五氏來備荀爽傳作五祿咸備
氏祿皆訓是言能順時以致福也詩周南始言關雎終及
麟趾言有其德必有其應自然之理也恭惟我年伯介平
先生幼力學博通經籍弱冠補弟子員肯堂上具慶年伯
事之謹以舌耕餬口菽水之歡侔于膏腴洎太年伯見背
介弟某性敦厚聞於治生年伯悉以祖遺產予之已惟老
屋數椽書數冊而已古文尚書言孝乎惟孝今於年伯見
之矣平生質直不苟嚙笑而人咸服其誠丙子舉於鄉已
未大挑教諭耆學之功老而彌篤其訓子若孫嚴於讀而
有義方德配材太宜人嫻儀則通書史父孝廉怡庭君最

鍾愛之口授十三經及國策文選皆能背誦講解及歸寧舅姑凡問安視膳之事必躬必親易寒暑者三十餘年無倦色年伯為諸生家故淡太宜人主中饋備極勤勞雖困乏不以聞嘗言周公作母逸曰不敢曰不遑而終以永年夫唯母逸乃為惜一身之福何勞為至周親有急必多方設法或易裙釵以應之弗惜也夫有德必獲壽能勤多受福今觀內則咸理行之者有關雎之教宜其應之者多麟趾之祥道光壬辰甲午大比伯子叔子相繼綴賢書而仲子遠堂以壬辰成進士入詞林擢侍御本文章為經濟歡入庭幃滿堂蘭玉森森暨幼子童孫皆成美材謂非福備

五緯身其康彊子孫其逢歟且吾聞素佩山水奧區觀形
勝者言必有大福德與大壽考其人然則其福正無涯而
其壽並未有艾也余不能文以重遠堂之請弗獲辭謹弁
數言以侑一觴

壽吳馨圃暨配林恭人雙度

世常言山林之士人而不能出鄣廟之才往而不能返夫
生有道之世處卑而無階以進有階矣而自顧其才碌碌
者流則其老於山林而不悔也若才足有為力能致高位
取顯榮而時又與之遭顧乃榮養家居嬉娛自適則非其
獲福履之厚享安平之樂者不能而又非衣服在躬舉所

為而無關於

國計無當於民生也業裕於家教成於子弟而惠及於鄉黨里閭則所以報

國恩而振家業者功與廊廟等

清興愷叙功宗

典隆

恩渥凡為

國家建大力者銘書於太常紀於天府其次能為一鄉一邑資捍衛固牧圉者亦獎之勸之寵賁之各以其優從叙吾鄉磬圃司馬世居泉州其父懷義君遷臺灣家焉司馬

生而孤繼復失恃育于諸母得成立長負不羈才食貧弃
舉業習犄頓家道漸充

奏名得同知銜 贈封父母庶母祖父母皆如其階臺之
人榮之臺海上大都會也其地南北袤千餘里山箐叢密
素有奸宄竊發起為患道光四年羣醜掠鳳山蔓延月日
所戕害者不下萬餘人尸相枕總督孫文靖公謀勦撫之
徵義勇司馬為募鄉之健者悉力捍禦得渠首擒之事聞
賚加級道光十一年嘉義賊張丙劫掠為害釀禍且益鉅
司馬同守土者守郡城命子尚雯尚霖共襄召募尋提帥
馬忠勇公率兵前進義旗翕然羣舉既而以戰告

天子旌從戎者叙厥功晉秩運同并授其子優貢尚雯為六品銜附生尚霖為七品銜備極

榮寵則山林之士固亦廊廟之才也臺之鳳邑舊無城池奸徒易于乘間司馬倡首建造凡糜金錢數百萬夙夜董其役不辭勞瘁先是臺郡未有考棚士人艱之司馬捐資興建得落成如內地式道光八年京師議賑閩大吏度臺計飛芻司馬納粟數千石由是而閩郡翕然從其餘郡饑屢請于當塗發粟賑窮則其處山林也因為廊廟之所為矣今歲庚子九月十六日為司馬五旬晉八之辰詰嗣農部秋江謀所以製錦且與其繼配林恭人同舉稱觴乞介

壽之言竊惟洪範五福壽為首壽也者統諸福而成之者也壽者久也富而非久則倘來而弗能有之無復能保其富矣久而後見康甯亦久而後見攸好德班固曰壽者酬也蓋惟有德能酬之亦惟久于其道故酬之今司馬之所行汲汲于

國計民生踵而進之實而體之不為名動不為利遷斯亦可久之道而得酬之之理也夫故處山林之與處廊廟也從同同

壽林鑑塘太史暨龔夫人雙度

頤養而嬉林泉介壽而逢舉案此天之樂而世之所希也

我年丈鑑塘先生是歲甲辰仲冬吉日七十偁慶前月為其淑配龔夫人六十初度齊眉上壽先後奉觴禮也竊考徐氏中論壽有三有王澤之壽有聲聞之壽有行仁之壽三者得一壽皆可以稱先生師立而善多年高而德邵于是徵益備請卽其所知者比事以觀考諸前史而不謬屬其詞如左林於閩望族也代累科第厥考為奉直君以乾隆己亥孝廉教授鄉里偁宿儒先生過庭讀父書淵源其學長卽肆力于經史嘉慶戊午舉于鄉壬戌成進士翰林院庶吉士散館

國書第一其時殖學之榮則載憑解經奪五十席孝綽入

省稱第一人無以異也居詞垣不屑為章句學每屬文上
追燕許斧藻其德神禪其辭充

文淵閣校理

國史館纂修功臣館協修論辨多美其時筆札之給則劉
向校書中秘爰禮說字未央無以異也前後四掌文衡丁
卯戊寅辛巳分校順天鄉闈庚辰分校禮闈旋派教習庶
吉士其時鑄人之教則伏波詘伸龍杜佺期優劣裴樂無
以異也此非王澤之壽而能若是乎退而居鄉聲聞益著
主講各書院四方之學日以及於厦則玉屏于晉則梅石
于定則南浦于江右則鵲湖于省垣則鰲峯所在

凡士

類囊括人材其時舉比之坐則楊何治易舊川中公授詩
魯國無以異也暇日著書為娛凡汲郡竹簡西州漆書以
及六學六藝七志七畧靡不綜摯譔有竹柏山房九種三
十六卷宜略識字二卷論世約編若干卷梓行海內珍之
其最者竹書紀年補證戰國編年事繫月月繫日上參之
皇甫謐帝王世紀劉歆三統歷毋弗若一其時抄傳之衆
則謝該釋春秋七十事樓望錄教授九千人無以異也此
非聲聞之壽而能若是乎夫難期者王澤也難致者聲聞
也而先生日其邁以行仁為本自戊辰奉母諱還養疴十
年嗣以

明詔速之嚴復就職閱六載逢奉直君八十屈壽乞假歸里侍養其時定省之勤則李密陳情有表尹煊善養無方無以異也伯兄曰雨帆登乙卯賢書仲兄曰蘇門以乙未進士出為安徽休甯令昆季少相親長相礪雍穆之化無間言其時雁行之序則魯恭偁奇鄉里趙孝寵異朝廷無以異也留心在濟物苟有便於民必樂為之丙申閩中歲不熟輸粟義倉倡其事賴活多人奏聞

天子嘉賚晉秩五品其時振窮之政則黃香種收義穀明徹粟共卿家無以異也此又非行仁之壽而能若是乎而龔夫人者渤海賢媛也幼嫻女則及笄于歸事舅姑服勞

不以命服自別夫人之勤則桓君提甕唐婦拜階又無以
異也是有王澤之福而能長守之訓予以義方弗為折蔑
之愛夫人之教則湛母封書宣文授禮又無以異也是有
聲聞之壽而能善貽之治家嚴而有恩而常以其餘散六
姻夫人之賢則嚴嫗推仁穆姜尊義又無以異也是有行
仁之德而能內相之外整以嚴內和而理門慶美肅肅雍
雍今長君懋勳以進士掌禮儀曹政日勤次君懋烈亦領
鄉薦考授國子監學正其孫曹接踵而起相與采南陔為
斑衣之舞為菊水之鄭而先生優游林下眉壽無有害堂
以上公悅嫗歡堂以下伯歌季舞皤皤乎其黃髮也韡韡

乎其白華也余素不為虛謾之詞唯卽先生之德與夫人之教知壽之所以備今無異古所云而因以見天之樂而世之所希也於是乎書

壽陸海峯世潮六十

蜀中有太守焉奇於貧奇於行乃奇於仕生之歲三月庚辰朔三百五十有九庚辰矣蜀之士襄所以製錦農部毛丹雲屬為文以紀曰陸太守海峯江蘇元和人也幼隨父宦蜀年十四孤於蜀落拓於蜀遂涸跡於蜀蜀之達州有白蓮教者事發單騎入戎行徇前偏後伍操戟兵被鎧甲經寒暑三易以捷報議叙得縣丞出權威遠戡眉縣篆榮

縣三台丞篆判瀘州調署太平順慶經歷二十年間宦海
升沈無尺寸之產而衆口嗷嗷環待哺也乃請纓出塞屯
大金川崇化上充國便宜十二事履雪嶺卧冰種穀瘡不
辭勞去之日番夷士庶相與遮道為之攀轅涕泣既擢補
富順鄧井關縣丞鄧井一繁局也商之習犄頓者被吏胥
騷擾弗安其業君至釐剔弊竇不數月權引告清遂以廉
之所贏者施藥餌拒匱棺置義塚建社學設救生船惠於
民其功德也賦於治其循良也大吏廉其最以卓異薦縣
尹掾石泉富順蘆山諸令所泣綽有政聲嗣念雞豚不逮
事遂納粟捐升知府

覃恩封父母若祖父母老益壯善詩工畫喜書史有子六人棣為樂亭令柏為寧州佐櫟為古浪尉餘皆承歡接躅蘭其茅桐其茁其盛也其豐也其粹也其鍾也是宜壽余曰壽言非古然以君之識韜識律識屯識英識孝義傳識利病書為韓茂戰戰奇為蘇武羝羝奇為魯恭治治奇為丁蘭孝孝奇仕故奇也貧為奇貧故奇也行為奇余不識君聞毛君之言躋君之志爰綴微詞以侑一觴其在名場則二萬一千五百有四旬也進而上之斯壽亦奇壽也

壽四川陳考言先生七十

皇帝卽位之二十二年函夏又安壽宇納福海內多龐眉

皓首之士秋七月初吉為我年伯考言先生七十正度詰
嗣春朕侍御將以是日舉壽觴禮也預期言於慶鏞曰家
嚴未用於世功名無所見而孝義根於天性其行事足為
子孫式請為文以製錦余惟禮重引年詩稱介壽本吾人
好德之心以效古人頌禱之義亦君子所不廢今請宗諸
經以紀之孝經曰人之行莫大於孝孝莫大於嚴父年伯
父號會清以名孝廉出宰湖南華容有政聲魯詩說曰蔽
芾甘棠聽訟勿刻年伯實生於邸第幼而岐嶷韓詩曰宜
爾子孫彛彛今易曰子克家美有子也比隨解組歸庭立
能承其志禮記檀弓曰事親左右就養無方毛詩序曰南

陳孝子相祧以養也穀梁春秋曰孝子揚父之美可謂孝矣年伯有母曰鄒太恭人早逝親母曰周太恭人亦早逝其慈母則劉太恭人事之如一儀禮曰慈母如母論語曰孝哉閔子騫說者謂閔子之事蓋異母也故孔子賢之厥季六人友以愛曾子立事篇曰兄弟悌悌今文尚書曰孝乎惟孝言順於其親乃能和於兄弟易家人傳曰父父子子兄兄弟弟而家道正析產時辭厚居薄齊詩曰同爾兄弟公羊春秋曰君子篤于禮而薄于利况親親乎周禮孝友睦婣任卹為六行年伯善于鄉儀禮士相見禮曰與老者言言使子弟與幼者言言孝弟子父兄凡有爭排勸而

解和之左氏春秋曰忠信德之基也大戴禮曰戒慎必恭
恭則壽夫孝弟者天之心也人之所以生也人能自厚其
生則天若有依徊眷注於其間禮記中庸曰故栽者培之
尚書洪範曰予攸好德女則錫之福是知德者福之本歟
年伯德瀆於身弗為利祿動補國子生四赴文闈年四十
不作進取計曾子篇曰事無求數有成孟子曰令聞廣譽
施於身蓋其所貴者固良貴也蜀故多盜書曰民不適有
居年伯當蕩析猶脩脰延師左氏春秋曰愛子教之以義
方弗納于邪禮記學記曰師嚴然後道尊能尊師故能重
道報莫大焉詰嗣春煦曰熾由翰林薦御史次曰炳膺拔

萃舉賢書曰某曰熾曰炤相望而起其在詩曰孝子不匱
永錫爾類毛傳類善也爾雅曰子子孫孫引無極也穀梁
春秋曰德厚者流光其是之謂歟侍御宦京師請迎養弗
許書下戒以趨勤公羊春秋曰不以家事辭王事以王事
辭家事是上之行乎下也稱觥之歲爾雅在壬曰元默在
寅曰攝提格之猶深遠也攝提格者堅強之義也是月也
夏小正斗柄縣在下周公明堂月令日在翼蔡邕章句云
起張八度至軫十二度謂之鶉尾之次楚之分野楚蓋篤
生之地是卽絳縣老人之所紀也王制曰七十杖于國周
禮伊耆氏共王之齒杖鄭司農謂年七十得賜杖是也

皇帝曰咨汝子熾其勤厥職晉爾為朝議大夫錫袞之言
易曰承天寵也禮曰王言如絲介孝之辭詩曰俾爾彌爾
性純嘏爾常書曰身其康彊子孫其逢吉吾為補樂之闕
以脩一觴曰工歌鹿鳴四牡皇皇者華美勤勞也笙南陔
白華華黍示孝養也

壽上官寅齋七十

寅齋先生以宿學碩行聞於鄉道光壬午與余同譜且同
出方雲莊夫子之門房卷行余見其文苦鵲讀詳而知先
生之力于古不屑為科舉學要共計偕聆所談皆先正名
言時輩中稱畏友焉乙未攜詰嗣蓉湖赴禮部試榜發而

蓉湖第進士銓比部先生亦以是年大挑用教諭瀕行為
子言曰吾家故樸願兒子守先業趨勤從公不願為奔競
也歸益肆力於古文辭斟酌於經史子集而尤醇粹於左
氏史嘗謂學當知所懼則惡念不生惡念不生然後可以
為善春秋一書乃聖人示人知所懼也因手輯紀事本末
成帙條分義例俾學者觀覽如眎諸掌當道延主邑之杭
川講席所課士以崇廉恥踐禮法礪經術為先文藝其末
也家居尚清介囊不稱貸不受餽累第六人怡怡如也其
季殤命四子為之後族之飢者寒者代為區畫無失所性
不預外事及有義舉如脩學宮繕城宇則倡成興建口不

言勞凡此皆先生之學與其行而余所聞於其鄉之人無異言者今歲壬寅九月為先生七十正慶蓉湖預期來徵序余惟先生之登仕籍膺

榮封皆不足為先生貴因即先生之所以砥於身而繩槩於家者其宿學其碩行咸足為鄉式爰書諸簡以壽先生昔桓榮以眉壽而列更老伏生以髦期而授尚書異日先生識益高才益充其所為必有進於是者先生醫焉亦將題其言也

為同安周先生七十

韜符藏金匱而習其秘得勇略吾鄉同安周家世武也先

代雍正時有為都司者學孫子杯蕩之書善鼓譟鳬藻士卒平臺有功子孫得世職雲騎尉然多缺於資斧無以板部籍故常以習射澤宮拾青紫數傳至侍衛培齊由都試擢上第

天子試之可選置左右直宿禁衛

賞戴藍翎而其兄某亦以武隲於鄉伯仲二難時論美之歲柔兆頤牂冬月為其尊丈某先生正度問序於余曰家嚴少食貧二黼不充先祖肄武爨序例得襲職以寒素弗得報名事閣乃講軀劉數上秋闈弗隲室無紅棋之儲廢殮之給家嚴百致羅之心力兼用仍無缺於供久之學秦

非子習養馬為生教和鸞節步驟乘者多賴以命中釋奠
為純於是以賃得息家稍積每念雞豚之不逮事也言之
涕泗迸流教朝邦兄弟嚴而有法朝夕督視騎射穿揚善
教挽強又善教桀石負以趨提刀作掌上舞朝邦供職京
都寓書引先都閫法言訓武年七十矣無以為壽願乞一
言侑觴夫吾泉海濱鄒魯文風淳樸而山川奧衍間氣旁
薄常有畸人偉士出其間同安一邑武略冠絕同時為提
帥者天下蓋十三四矣大都奮跡戎行而以宿衛啟錄中
外自壯烈伯李忠毅公後僅見是年培齋以俸滿假歸省
親并為其尊丈壽竊以壽親之道立身為上名次之養次

之農人終歲勤畝及其報賽也甌宴滿篝污邪滿車豚一蹄酒一醵用以奉觴上壽培齋仕於京上歲恭逢

聖母萬壽覃恩晉階武德騎尉榮及父母捧五花之誥以爲萊衣之舞則以視夫逢年介福豚一踧酒一醵其介壽之典奚翅相百也歸而兄弟嬉嬉少奉槃長奉水循陔繞膝魚鯢拜乎前象服拜乎後則以視夫遙祝稱觥豚百踧酒百醵其介壽之典奚翅相千也出膺外閭舉先業所未大用於世者法而施之李忠毅公勲業在前先後相望則以視夫祿養鍾鳴豚千踧酒千醵其介壽之典又奚翅相萬也孝經曰立身行道揚名於後世以顯父母以是爲壽

不亦可乎

壽安徽汪母王宜人七十

夫頌言燕喜而美及壽母母之壽必以其德與其教汪年伯母王太宜人以己亥冬十二月為七旬之慶壽期其哲良山贊善言於慶鏞曰振基少趨庭兼蒙開教母宜人於今歸七十矣將靳壽惟母壽春王氏望族也外祖父太學生如綸公長厚拙營生母幼養於外叔祖惟一公性澹默公奇愛之年二十一來歸先奉政邑增生厚齋公時家曾王父母王父母皆躋奇齡母逮事之雞鳴榔縱得高堂重慶歡先奉政入庠後家中落遠就館脩脯所入歲不足供甘

旨母以黻繡佐之親井臼奉匜盥口不言勤勞大母病母
與先奉政侍湯藥累月不安寐臨甬之慟柴瘠毀立嗣後
奉大父益恭有所嗜必百計致之愉色婉容三十年不少
懈母之勤而孝如此閭里知之也先奉政好文友賓至必
置肴母手自治饌無倦色庚辰先奉政抱恙振基隨伯兄
入都肄業成均聞信徒步星奔至途中赴報到見停匱帷
堂母鬢筓銜哀言附於棺者皆一時強力摒擋母過榻益
滋大父傷踰七年大父無祿母痛之誠慎如初母之儉而
識大義如此閭外不備悉也振基兄弟曰承基定基蔭基
少讀母課竝篤弟少假承基癸酉拔貢嗣充

武英殿校錄銓如皋縣教諭振基亦乙酉拔貢越年

朝考一等任吏部小京官母誡曰爾兄弟今得服官皆食
遺報惜祖父未及見之當勵職毋墜家聲也辛卯振基登
賢書壬辰成進士改庶吉士先是供職樞曹貧於仕未迎
養至是年秋給假歸省抵家三月母促之行諭以努力圖
報癸巳留職編脩甲午奉

命典試滇南乙未視學山右迎母節署侍焉每試竣輒問
以得士若干有無振拔單寒振基悚然懼若夤也母家居
不特殺不喜御新衣在署時猶以縫紉為業刀尺之聲不
去手漏三商未息夜代課孫讀母之慈而不徇愛如此振

基識之不能忘也丁酉母自晉南旋命振基竭誠奉公母以家為念今春大考蒙

恩擢左贊善母郵書誠益嚴二之日悅辰屆期用妥眉采將以是奉觴願丐言為壽慶鏞曰年伯母之德著乎寢門達乎族黨有令子善於其職母之賢益彰二南述宮闈之化而其本必根於貞靜故其詩曰窈窕淑女君子好述魯詩以為賢女能為君子好和齊詩以為生民之始萬福之原也婦事無失職而后修絮可薦于鬼神可羞于王公故其詩曰于以采蘋南澗之濱韓內傳沈曰蘋浮曰藻言鴈飪以享祀也有禮儀之教而后子孫賢才多故其詩曰宜

爾子孫繩繩兮繩繩猶懼懼余疋戒也韓詩外傳言賢母
能使子賢也今年伯母之德與教皆於詩有合宜其綰綰
綰綰延釐錫福也

稿經堂類藁卷第十三